

Aretxagazeta

ARETXABALETA / Egubakoitza / 2005eko azaroaren 11

401. zenbakia

KOORDINATZAILEA: Mirari Altube • Durana 11 ARETXABALETA 20550 • Tel.: 943 79 86 21 • Faxe: 943 77 18 54 • Posta elektronikoa: aretxagazeta@goiena.com • Lege gordailua: S5378/94

Bizigune programa sinatu dute astean hutsik dauden etxebizitzak bideratzeko

MIRARI ALTUBE

Eguaztenean, azaroak 9, herrian izan zen Javier Madrazo sailburua Bizigune programa hitzarmena sinatzeko Udalarekin. Hutsik dauden etxebizitzak aprobetxatzea du helburu Bizigunek, eta etxebizitza beharra duten herritarrei prezio onean eskaintzea.

Eusko Jaurlaritzak bideratzen du hutsik dauden etxebizitzak errentan emateko Bizigune programa eta Javier Madrazo sailburua izan zen sinadura ekitaldian. Hitzarmena Udalarekin egin zuen eta Arritxu Oliden alkateak sinatu zuen Udalaren izenean. Suradesako gerente den Luis Laskurainek ere ezarri zuen sinadura Suradesaren bitartez egingo duelako lan Udalak.

JABE ETA MAIZTERREN ARTEAN

Hutsik dauden etxebizitzak erabili gura ditu Etxebizitza eta Gizarte Gaietako Sailak etxebizitza eskaera arintzeko. Hala, hutsik dauden etxebizitzak errentan ematen dizkiete etxebizitza beharrean daudenei. Jabeek 560 euro inguru jasotzen ditu alokairuaren truke, eta errentan hartu dutenek 235 euro batz besterik. Bien arteko aldea, oster, Eusko Jaurlaritzak ordaintzen dio jabeari. "Eusko Jaurlaritza tartean dagoelako funtzionatzen du hain ondo programak" esan zuen Madrazok. Gainera, etxebizitzak zaharberitu gura dituenarendako laguntzak eskaintzen ditu Eusko Jaurlaritzak: 18.000 euro-

ko mailegua interes barik itzuli beharrekoa.

SURADESAREN BITARTEZ

Dagoeneko 2.712 kontratu bideratu ditu Eusko Jaurlaritzak Bizigune programaren bitartez. Eskoriatza, Arrasate eta Bergara sartuta daude Bizigunen eta orain Aretxabaleta sartuko da. Debagoienean, Suradesa erakundeak eroango du aurrera programa Udalek hala eskatuta, eta bera arduratuko da programaren berri emateaz. Aretxabaletako udaltxean eguenetan egoten da Suradesako teknikaria 12:00etatik 13:00etara.

UDALARI JARRITAKO BALDINTZAK

Bizigune programa onartzen duten Udalei hainbat baldintza ezartzen die Jaurlaritzak: hutsik dauden etxebizitzaren errolda egitea; programa bideratzeko teknikariak jartzea; programaren berri ematea herrian eta Udal zergak arintzea. Aretxabaletako Udalak guztiak betetzen ditu; izan ere, Suradesak egingo ditu berri emate lanak, eta bestalde, ondasun higiezinaren gaineko zergaren kasuan %50eko hobaria izango dute.

Etxebizitzak zaharberitu gura duenari 18.000 euroko mailegua ematen diote



Jaime Mujika zinegotzia, Javier Madrazo sailburua, Arritxu Oliden alkatea eta Luis Laskurain Suradesako gerentea ekitaldian.

Aretxabaletan 60 etxebizitza inguru

Estatistikako Institutu Nazionalaren arabera gaur egun Aretxabaletan 179 etxebizitza daude hutsik. Udalak egindako azterketaren arabera, oster, 60 inguru dira hutsik daudenak. Erroldako datuak eta ur kontsumoaren datuak hartu ditu kontuan Udalak azterketa hori egiteko orduan.

Bestalde, Eusko Jaurlaritzako Etxebide zerbitzuan izena emanda daudenetatik 333 lagunek errentan hartu gura dute etxebizitza. Horietatik 97 Aretxabaletan daude erroldatuta. Poliki-poliki hasi dira herritarrek hutsik dituzten

etxebizitzak errentan ematen eta dagoeneko horietako 7 daude Bizigune programan sartuta.

Eusko Jaurlaritzak aurkeztutako Bizigune programa Suradesa erakundeak bideratuko du gure ibarrean. Suradesak, besteak beste, etxebizitzak zaharberitzeko dirulaguntzak bideratzen ditu eta orain errentan eman eta hartu gura diren etxebizitzak ere merkaturatzen laguntzen du. Aretxabaletako udaltxean eguenetan egongo da horretaz arduratuko den teknikaria, 12:00etatik 13:00etara.

Parket flotatzailea

AZKARATE AROZTEGIA
Telleria 19, B-0-2 B-0-3 BERGARA
Tel.: 943 76 47 19 - 610 884 020

Zoru aukera zabala, tarimak, parket bernizatuak eta estratifikatuak

LURRINDEGIA OPARI DENDA
Mitarte 18 • 943 79 38 59
ARETXABALETA

PAGALDAI
Opari denda Burrindegia
Durana 33 • Aretxabaleta
943 79 10 14

J.J. IRURE
ITURGIKATZA
URA GASA KALEFAKZIOA
MITARTE, 15 ARETXABALETA
943 793 187

FARMAZIENTXANDA

ZAPATUA, 12
FRAL.E. Herriko Plaza, 10.. 943 79 21 99

DOMEKA, 13
FRAL.E. Herriko Plaza, 10.. 943 79 21 99

TELEFONOAK

- OROKORRAK**
- Almen 943 71 49 07
 - ARETXAGAZETA 943 79 86 21
 - Fara 943 77 18 54
 - Basob 943 77 09 81
 - Euskaltegia 943 79 21 68
 - Giarte laguntzaila 943 71 18 62
 - Industrialea 943 79 62 80
 - Instituta 943 79 79 00
 - Kinl etxea 943 71 26 28
 - Kultura etxea 943 71 10 27
 - Gaiteia saila 943 71 10 27
 - Kurtzebarri Eskola 943 79 00 49
 - Kurtzebarri BHI 943 79 57 40
 - Q/Gunea 934 79 94 44
 - Liburategia 943 71 18 62
 - Loramendi EE 943 77 09 70
 - Ludoteka 943 79 05 81
 - Markomunitatea 943 79 30 90
 - Mamukiko ME 943 79 93 74
 - Musika Eskola 943 79 36 50
 - Osasun etxea 943 71 19 59
 - Okara 943 71 24 06
 - Parrokia (Dulegoa) 943 79 18 42
 - Pauska Haur Eskola 943 77 03 77
 - Postetxea 943 79 28 31
 - Sasabeazpi Ikastola 943 71 21 18
 - Taxi geltokia 943 77 12 64
 - Udal Bulegoa 943 71 18 62
 - Udalzaingoa 943 71 18 63
 - Urats Gain 943 79 99 11

UDALZAINGOA
Arasate 943 79 14 39

LARRIALDIK

- SOS Delak 112
- Eskualde Ospitalea 943 03 53 00
- Ertzaintza 943 79 71 99
- Gurutze Gorria 943 76 55 76
- Larrialdik 943 46 11 11
- Suhiltzaileak (Oñati) 943 78 28 00

MEZAK

ANDRA MARIAREN ZERURATZE PARROKIA
Domeketan: 11:00, 12:00
Zapatuetan: 19:30
Hiletak: 19:00

SANTA RITA
Domeketan: 09:00
Lanegunetan: 19:00

BASERRI AUZOETAN: AOZARATZA
Domeketan: 12:30.

MENDIOLA
Domeketan: 12:00 (Otoitzaldia bakarrik)

GELAO
Domeketan: 11:30.

Xabier Ormazabalen oroimenezko muntaia emango dute eguenean

M.A.

Loramendi Euskara Elkarreak antolatuta **Elurretako lehoi-barraren bila** muntaia emango dute eguenean, azaroak 17, 19:00etan. Iazko urrian hil zen Xabier Ormazabal mendizale urretxuarraren ohar eta argazkietan oinarrituta dago. Andoni anaiak aurkeztuko du.

Iazko irailean burutu zuen **Elurretako lehoi-barra** proiektua 23 urte zituen Xabier Ormazabalek. Sobiet Batasuna izandako bost mendi igotzeagatik ematen dute elurretako lehoi-barra izendapena: Ismail Somoni, Khan Tengri, Pobeda Peak, Lenin tontorra, eta Korgenevskaya. Zazpi mila metroko mendiak dira guztiak baina asko Himalaiakoak bezain arrisurtsuak. Xabier izan zen Espainiako Estatuko lehena elurretako lehoi-barra izendapena lortzen.

Iazko urriaren 19an hil zen Xabier Cho Oyu mendi tontorretik behera zetorrela. Haren proiektuekin aurrera jarraitzea erabaki zuten etxeok eta **Elurretan lehoi-barren bila** emanaldia gertatu dute **Hire Himalaia** egin zuen muntatzailearekin. Andoni anaia-



Xabierren argazki eta oharretan oinarritutako muntaia aurkeztuko du Andoni anaiak.

ren esanetan ipuin eran antolatu dute: "Bere oharretan oinarrituta dago, baina elkarrizketa asko tartekatatu ditugu: Alberto Iñurra-tegiri, Edurne Pasabani... baita etxekoei eta lagunei egindakoak

ere. Gainera, bere ahotsa ere berreskuratu eta sartu dugu muntaian" dio Andonik. Hala, oso lan berezia eta hunkigarria aurkeztuko du Aretxabaletako Ekin fisioterapia zentroan lan egiten duen



Eguaztenean, azaroak 9, bota zuten kultur etxea

Joan zen astean hasi zituzten Santa Kurtz kaleko eraikina botatzeko lanak: aparkalekuek autoak kendu, inguruan hesia jarri eta barruko trasteak atera. Poliki-poliki apurtu dituzte barrualdeko gelak eta eguaztenean kanpoaldea bota zuten. Halaxe esan diegu agur kultur etxe eta zine areto zaharrari. Eraikin berriak ez du lehengoaren inolako antzik izango: bost solairu izango ditu, harrizkoak izango da eta metalzko estaldurarekin. / M.A.

LABUR

Osasun mentalaren gaineko berbaldia azaroaren 17an

Osasun mentalaren gaineko berbaldia antolatu du Udaleko Ongizate Sailak. Azaroaren 17an, eguena, izango da 17:00etan, Iralabarri plazan dagoen kultur etxean. Aita Menni ospitaleko Eva Gonzalez psikologoa etorriko da berbaldia ematera, eta batez ere gaixo mentalak dituzten familiendako dago antolatuta: gaixoarekin zela bizi, zein zainketa behar dituzten jakin, zela jokatu krisi momentuetan... Guztia era positiboan ikusarazten saiatuko da psikologoa.


Nagusien dantza ikastarorako jendea behar dute

Egubakoitzetan euskal dantzak ikasteko elkartzen den nagusien taldeak jendea behar du. 15:45etik 16:45era bitartean ematen dizkie eskolak dantzako irakaslea den Aitorrek, eta musika eskolan elkartzen dira. Egubakoitzetako taldeak jendea behar du lehenbaitalen taldea osatu eta dantzak behar bezala ikasteko. Hortaz, euskal dantzak ikasi gura dituenak paregabe aukera dauka.

Mekanizazio eta geriatría ikastaroak institutuan

Aretxabaleta institutuak mekanizazio eta geriatría laguntzaile ikastaroak antolatu ditu urtero moduan. Tornua eta fresatzeko makina zela erabili erakutsiko dizkiete mekanizazio ikastaroko ikasleei azaroaren 21ean hasi eta ekainaren 16a bitartean, 16:00etatik 21:00etara.

Geriatría laguntzaile ikastaroan bestalde, edadetuak zela zaindu azalduko diete. Azaroaren 28an hasi eta maiatzaren 8an bukatuko dituzte eskolak, eta 16:00etatik 20:00etara emango dituzte.



- Kontabilitatea
- Fiskalitatea
- Lana
- Juridikoa


Aholkularitza

Basabe poligonoa F-O-10 (1. solairua) ARETXABALETAK
Tel.: 943 71 21 12 - Faxa: 943 71 22 68



Bere bezeroen zerbizura

Mitarte 16
Tel.: 943 79 01 72
ARETXABALETAK



Loramendi 1
Tel.: 943 79 71 69
20550 ARETXABALETAK

GARBITU S. KOOP

Garbiketa orokorrak

Errekabarren 3- Behea
ARETXABALETAK
Tel: 943 79 01 28

Urkiren aurka jokatuta bukatuko dute lehen fasea infantil txikiek

M.A.

Bihar, zapatua, jokatu du infantil txikien taldeak lehenengo faseko azken partidua: Urki izango du aurrez aurre 15:30etik aurrera Ibarren. Ondo ibili dira Aitor Irure eta Santi Moralesen mutilak eta bigarren fasean izango ditugu, hau da, Liga Txapelketan.

Infantil txikiek bi multzotan jokatu dute lehenengo fasea: hamar talde batean eta bederatzirekin. Aste bukaera honetan bukatuko dute lehenengo fasea eta hurrengo jokatzeko beste bi multzo egingo dituzte. Multzo bakoi-tzeko bost talde onenek Liga Txapelketa jokatu dute eta gainerakoek Gipuzkoako Kopa. Aretxabaletarrak Liga Txapelketan izango dira.

GIPUZKOAKO TALDE ONENAK

Sailkapeneko hirugarren postuan daude Aretxabaletako Infantil Txikiak, Eibar taldearekin berdinduta. 15 puntu dituzte biek eta euren gainetik Real Sociedad dago 21 punturekin. Hortaz, arazo barik sailkatuko dira Liga Txapelketa jokatzeko. Aitor Irure eta Santi Moralesen ardurapean jokatzen dute mutilek eta Aitorren esanetan aurtengo helburua beteta dago: "Bigarren fasean Gipuzkoako talderik indartsuenak izango ditugu aurrez aurre: Real, Antiguoko, Real Union, Eibar, Lengoakoak... baina gure helburua bete dugu, hain zuzen talde horien aurka jokatzeko. Datorren denboraldiari begira jokalariek gertatzen gabiltza Ohorezko Infantilen mailan jokatu dute-lako" dio Aitorrek.

Mutilak oso motibatuta dabil-tza eta hasieran zelai osora ohit-zea kosta egin bazitzaie ere ba-doa neurria hartzen. Bi partidu bakarrrik galdu dituzte eta biak ere nahiko itxuroso jokatu. Hala ere, Aitorrek badaki taldeak atal ugari dituela hobetzeko: "Jokalar-iak koskortzen doazen heinean, fisikoki zein psikologikoki, geroz eta gauza gehiago egiteko gai izango dira, eta horiek aprob-etxatzen jakin behar dugu". Tal-dean, gainera, ikaragarriko



Gipuzkoako talde onenak aurka jokatu dute Infantil Txikien bigarren fasean.

"Bete dugu gure helburua: Gipuzkoako talde onenen aurka jokatzeko"

giroa daukate eta joan zen aste-buruan Martutenen partidua jokatu ostean Lasturren bazkaldu zuten entrenatzaile, jokalar-ia eta gurasoek.

ZELAIAREN EGOERA TXARRA

Aitorrek kexa ere badu. Izan ere lesioekin dabilta jokalar-iak eta iaiztik datorren arazoa da: "Jokalar-ia dezente arazoekin dabilta, batez ere gainkargak dituzte. Zelaiaren egoerak zerikus-ia handia dauka -belarra gastatuta, zuloak-, hortaz, belar berria behar du. Deigarria da, gainera, orain urte bi hareazko zelaiak zitutzen hainbat taldek izugar-riko zelai ederrak izatea orain Aldundiaren laguntzarekin. Noiz-

"Jokalar-ia dezente lesioekin dabilta eta zelaiaren egoerak zerikus-ia handia dauka"

ko Aldundiaren dirulaguntzak Aretxabaletarako? Lehen ere Uda-lak ordaindu zuen orain dauka-gun zelaia". Seguru asko entre-natzaile bat baino gehiago egon-go da ados Aitorrekin.

Bigarren fasean pentsatzen hasiko dira bai jokalar-iak, bai entrenatzaileak Urolaren aurka-ko partidua bukatu orduko. Bi bueltara jokatu dute, hau da, partidu bat kanpoan eta bestea etxean, eta ez orain arte moduan buelta bakarrera eta zozkieta bidez. Real eta Antiguoko pau-so batzuk aurretik ikusten ditu Aitorrek baina gainerako taldeen arteko norgehiagokak orekatuak izango direla dio. Azaroaren 19tik aurrera ikusi behar.

LABUR

Sailkapeneko laugarren postuan dago Fran Miguel Gipuzkoako Xake Txapelketan

Urrian hasi zuten Gipuzkoako Xake Txapelketa eta Fran Miguel aretxabaletarra dabil jokatzeko. Berdindu egin zuen joan zen aste bukaera Txus Agirretxe erreteriarrekin eta sailkapeneko lau-garren postuan dago. Lehenengo postuan hiru lagun daude 3 pun-tu eta erdirerkin eta Fran horiengandik puntu erdira dago.

Bihar, zapatua, Luis Olaizolaren aurka jokatu du Franek. Ez da partida samurra izango, baina lehenengo postuen inguruan egon gura badu irabazi beharra dauka Franek.

Pilota partidu bi jokatu dituzte bihar, zapatua, 18:00etan, Iturrigorri frontoian

Gipuzkoako Pilota Txapelketa aurrera doa eta lehenengo fasea bukatzeko jardunaldi bi besterik ez dira falta. Hala-hola dabilta herriko pilotariak eta hemendik aurrera dituzten partiduak irabazi beharrean daude guztiak ere. Bihar, zapatua, partidu bi jokatu dituzte Iturrigorri frontoian: Uribarren eta Perez de Labe-ga kadeteak Legazpiko bikotearen aurka eta Lasagabaster eta Alzo-la seniorrak Beasaingo Murumendi elkartearen bikotearen aurka. Errasti anaiak, ostera, Añorgara joango dira jokatzera gaur.

Arlutz tabernan jaso behar dira Real ikustera joateko autobusaren txartelak

Donostiara Real ikustera joateko autobusa Aretxabaletatik ateratzen da orain. Horretarako txartelak hartu behar dira Arlutz tabernan astelehenean egun gauera bitartean bi euroren truke. Azbe lantegi paretik ateratzen da autobusa partidua hasi baino ordu bi lehenago.

Bestalde Realaren lagun taldea sortzen dabilta herrian: Ametsueta taldie. Norbaitek taldeko kide izan gura badu joan daiteke Arlutz edo Orly tabernara izena ematera.

Liderraren aurka jokatu du bigarren erregionaleko taldeak domekan, 16:30ean

Antzuola izango du aurrez aurre UDako bigarren erregionaleko taldeak domekan, 16:30ean, Ibarra futbol zelaietan. Liderra da Antzuola 14 punturekin eta sailkapeneko hirugarren postuan dago UDako taldea 12 punturekin. Norghegiagoka gogorra izango da, hortaz, zaleen berotasuna eskertuko dute etxeko jokalariek.

PARTIDUAK

FUTBOLA
UDA-Antzuola
Bigarren mailako erregionala.
Domeka. 16:30
UDA/Arizm.-Urola
Lehen mailako kadeteak.
Zapatua. 11:30 Ibarra.

PILOTA
Aretxab. - Legazpi
Hirugarren mailako kadeteak.
Aretxab. - Beasain
Bigarren mailako seniorrak.
Zapatua. 18:00. Iturrigorri.

EMAITZAK

FUTBOLA
UDA 2 Mondra 2
Preferentea.
UDA 0 Ikasberri 0
Bigarren mailako erregionala.
Zumaia 6 UDA/Arizm. 1
Ohorezko gazteak.
UDA/Arizm. 5 Zestoa 2
Lehen mailako gazteak.
UDA/Arizm. 2 Zumaia 1
Lehen mailako kadeteak.
Lagun Onak 0 UDA/Arizm. 2
Bigarren mailako kadeteak.

Eibar 3 UDA/Arizm. 1
Ohorezko infantilak.
Vasconia 2 UDA/Arizm. 4
Infantil txikiak.
Ilintxa 2 UDA/Arizm. 3
Emakumezkoen liga (seniorrak)
UDA/Arizm. 2 Bergara 5
Emakumezkoen liga (kadeteak)
UDA/Arizm. 6 Oñati 1
Emakumezkoen liga (infantilak)
UDA 7 Power Rangers 2
Areto futbola.


ZARAIA
taberna
Goizeko 06:00etik irekita
Araba Ibilbidea 20 • ARETXABALETA • Tel.: 943 79 88 95

Karlos
Harakina
Santa Kurtz 5
Tel.: 943 71 25 54
20550 ARETXABALETA

ANER
ITURGINTZA
Nafarroa 8, 2-A
ARETXABALETA
943 79 64 91
605 71 66 92 / 629 47 72 70

Mobiliario
ARENAZA
• ALTZARIAK
• DISEINUA
• APAINKETA
Bizkaia 1 - Tel.: 943 79 08 07
ARETXABALETA

ARRATOIEN BIZITZA / Arratoiek ei dabitze errekan, eta benenue bota daue. Ze egingo zeuke zuk?



ROSA FERNANDEZ
Langillie



JOSE MAEZTU
Langillie



MARIA LUISA ELORZA
Langillie



JESUS DAROCA
Jubilau



PANTXIKA SASIAIN
Langillie



ANDRES DURAN
Jubilau

Astien etorri da semie arratoi bat ikusi dauela esanaz, baiñe ez zan errekan. Benenue bota biherrien errekie garbittu egin biherko leukie; bedarrak eta zikinkek kendu daixela.

Bai, entzun dot arratoiek dabitze erreka inguruen, eta benenue akabetan badi-ttu ondo dau botatie; oin, ahatak hiltten badie... Hori bai, garbittesun on baten biherrien dau errekie.

Penie da gero ahatak hilttie arratoiek akabau guran... Errekie da garbittu biherko leukiena, negargarri dau eta; hasi Almenen eta herri-xe bukatu bittartien bazte-rrak garbittu daixela.

Benenue bota badaue Uda-la arduretu daille biher-rrazkiek dien neurriek hartziez. Dana dala, garbit-tasun on bat biher dau errekiek, bertakuek ez dien traste ugeri dauko-eta.

Lehen ibilli ziela arratoiek badakit, baiñe oin ez dot entzun; dana dala, garbi egon-go da, ahatiek badabitze-eta. Benenue bota dauela? Zela baiñe? Baten batek ardu-retu biherko leukie errekiez.

Bai, entzun dot arratoiek dauzela, baiñe esaten daue uretakuek diela eta ez die-la kaltegarriek. Benenue bota eta ahatiek hilttie pe-nagarrixe da gero, ez neki-xen halakorik...

TXALOKETATXISTUAK



TXISTUAK POZOIA IBAIAN Pozoi poltsatxoak agertu ziren joan zen astean Deba ibaian. Kexa ziren azken asteotan hainbat herritar arratoiak zebiltzala ibai inguruan, eta antza arratoiok akabatzeko bota zuten pozoia. Arratoiak ez dakit, baina lasai-lasai bizi ziren ahate eta ur-oiloak hasi ziren hiltzen. Kontu handiagorekin hartu behar dira neurriak, eta ondorioetan pentsatuta. / M.A.

ORAINDELA 3URTEARETXABALETAN

Etxebizitzen gainean egin zuten berba Madrazok

Babes ofizialeko etxebizitzak izan zituen berba Javier Madrazo sailburuak azaroaren 6an egin-dako bisitan. Eta iragarri zuten hurrengo urtean 14 etxebizitza sozial egingo zituztela herrian, Kaminerokua baserria zegoen lekuan. Gaineratu zuten 183 herri-tarrek zeukatela eginda eskaera.



ASTEKODATUA

60

ETXEBIZITZA DAUDE HUTSIK HERRIAN

Ondo zehaztea zaila bada ere, Udalak errolda eta gutxieneko ur kontsumoa hartu ditu oinarri hutsik dauden etxebizitzak zenbatzeko. Hala, aurreikusi du gure herrian 60 daudela hutsik.

BESTEKEESANA

“Dagoeneko badira hiru urte hona etorri nintzenetik eta ohitu naiz hemengo bizimodura. Jende asko ezagutu dut, lagun asko egin ditut eta egia esan, oso ondo moldatzen naiz. Urtean bizpahiru aldiz joaten naiz Aretxabaletara. Entrenamendu asko ditugu eta jaiegun gutxi bidaia-tzeko. Herrira joateko aukera gutxi sortzen zaizkit urtean. Pentsa, uztailen etorri nintzen Xerezera eta Gabonak arte ez naiz Aretxabaletara berriz joango. Ipuruan jokatzera berezia da. Lagunak joaten dira ni ikustera, Aretxabaletako jende asko ere bai. Aspaldian ikusi ez duzun jendearekin egiten duzu topo horrelakoetan eta polita da hori, berezia edozein jokalarirendako. Nik, behintzat, gustura hartzen ditut horrelakoak.

MIKEL ETXABE
‘Asteleheneko Goienkaria’/05-11-07

HERRITARRENBERBAK / Edorta Mendieta



Zaharra berri

Hilabete baino ez da pasatu kilometroak 2005 eguneko “txingotekeriatik”. Baina ahaztu dugu dagoeneko eragin zigun samina, antza.

Zenbait egunetan bailarako bazter guztietan izan zen esamesa. Ahoz aho ibili ziren egun hartako gehiegikeriak. Guztiongan sortu zen gutxi-asko zerbait egin beharreko grina. Garatu dugun gizarte honek etorkizun iluna duenaren konbentzimendua. Zurrumurru bat zen. Baina zurrumurru isila baino izaterik ez zuen lortu.

Jakina, autokritika egitea ez ba beti samurra izaten. Arazoa beste batena denean da erraza erantzukizunak eskatzea. Tamalez kasu honetan arazoak gizarte osoarekin zerikusia du. Gure gizartearekin.

Indibidualismoa, hedabideek bultzatzen dituzten ereduak, gurasoek seme-alabekin egoteko denborarik ez izatea, seme-alaben hezkuntza beste norbaiten eskuetan uzteko

joera, erruduntasun sentimendua gehiegizko babesarekin estali nahi izatea, neurritz gaineko permisibitatea...

Inguruan ditugun beste gizarte garatuengandik batere ezberdintzen ez dela eta berauek bezala gainbehera prozesu batean murgilduak gaudela onartzea ez da gustuko platera, ez horixe.

Erantzukizuna guztiona da. Gurasoena, hezkuntza sistemarena, aita puntakoarena, auzotarrena, kideena... Jokamoldeak berrikusi beharra dago. Giza balo-

reetan hezi eta bizi. Errespetuaren balioa berreskuratu. Askatasunean bizi, baina mugak daudela jakinaz. Galdakeria hutsean jausi ez gaitzen.

Baina zer axola. Euskal Herrian ez da horrelakorik gertatzen. Aldameneko herrian bai, baina hemen ez. Hemen oso normalak eta sanoak gara. Jatorrak. Gazteak garte dira eta nork ez du sekula parrandatxoren bat egin. Buelta berriz normaltasunerara. Hurrengo arte.

“Inguruko gizarte garatuak bezala gainbehera prozesu batean murgilduak gaudela onartzea ez da gustuko platera, ez horixe”